

僊居縣志卷之二十三

文苑

墓碑

宋

吳丞相芾神道碑

朱熹

淳熙十年夏六月龍圖閣直學士通奉大夫臨海郡
 開國公食邑二千四百戶致仕公吳公薨于台州僊
 居縣湖山私第之正寢訃聞天子憫焉詔有司以光
 祿大夫告其第如故事冬十月癸酉嗣子津等葬公
 石井中壙之原既畢事將考令式勒文螭首顯頌公
 僊居縣志

卷二十三

文苑

一

德傳之無窮乃相與謀使仲洪以公門生臨川太守
 陳侯狀來即建安山中請其文于熹竊聞當紹興之
 季天子慨然有意收用耆俊以遂中興之烈其所引
 授以為諫議之官多得直諫敢言之士而公又偉然
 有聞于時者也竟以剛鯁不得盡行其志退而老于
 湖山之下者十餘年天下莫不高之而其所立之詳
 世猶有未悉聞幸今有碑以詔後世是筆所屬可非
 其人欲謝不能則又顧念往以使事過公里門公聞
 其來野服便輿出見邀于湖山之上延坐于飲論說
 平生俯仰感慨遂以身後為託于時謂公特戲語耳

不敢承亦不敢辭今雖極自知其不稱然昔所不及
辭于公今又安得辭于公之子耶乃攷臨川之狀以
次其事如左公諱芾字明可世爲儒居人大父贈武
畧郎諱允昭始教子孫爲學而公與從兄詠謙遂取
科第公幼莊重讀書刻苦至忘寢食登紹興二年進
士第始爲樂清尉時私鹽禁嚴尉皆以失覺劾免公
獨曰此貧民失業者吾忍以一身之病而愈蹙之耶
大治學宮聚其秀民而教之調平江府錄事叅軍遷
秘書政事秦檜與公有舊欲公附之而終不能得諷
言者罷之檜死乃知處州未行丁外艱服除知常州

又改處州始至罷例錢捐丁絹以何浦荐除爲監察
御史兩淮戰不利人情惴恐廷臣爭陳退避之計公
獨奮然曰今日之事進爲上策退爲無策若誤聽此
屬之言大事去矣上至建康公又言金陵自古帝王
之宅宜速駐蹕以繫天下心高麗舶至明州願遣使
入賀詔將許之公以無故有此不可許時朝廷上下
因循公言欲求死節之士于倉卒之時不若進剛直
之臣于閑暇之日去歲兩淮失守望風奔潰此秦檜
塞言路推士氣之餘毒也反其道則見危授命者有
人矣荐周摻陳良翰良祐爲御史皆以諫顯俄以集

英殿修撰知婺州未入境先罷令之不任職者郡帑空乏公禁措克減征賦室滲漏兩月而公私已告足矣金華長仙鄉民有十一家自定爲義役公宴十一人于平政堂而更其鄉曰循理里曰信義以爲勸改知紹興府宗室子弟橫行者公置之獄鏡湖自東漢時瀆以溉田爲甚利中廢不治曾南豐佐郡時議行不果時歲大饑公爲民請賑并發米募民以爲役刻石湖上甚利之前浙被陷衛民唐琦罵賊而死公祠之以勸忠義除刑部侍郎不數月詔充兩浙西路安撫使大闢高思聰家僮殺人公殉于市宗戚私營佛

僊居縣志

卷三十三

三

堂雜處民屢公益撤之後知太平州一意撫摩常賦外毫無所取新樓城梁始溪安歷陽之民下詔褒美進徽猷閣學士充江南西路安撫使會歲大疫公濬豫章溝禁巫覡集郡醫分井治療民全活者衆自當塗及是凡六上章引閑不允至是始得太平祠官以歸公少負氣節早游太學人目爲豪建炎初宗澤守東都一日民傾南下哭失聲曰言宗公死矣公時客臨安嗚咽流涕爲詩哭之傳播郵亭讀者感泣識者早已奇之年七十有一乃以龍圖直學士致仕居于石井臨湖雜蒔花竹乃作景疏希白堂自號湖山居

士酌酒賦詩脩然若無意于世者獨凌君憂國之心未嘗一日忘也薨年八十有八娶縉雲郭氏子男五人津判紹興洪浙東提舉沃鎮江軍節度判官洎永康丞深將仕郎女三人孫男二十八人有表奏五卷詩文三十卷和陶詩三卷藏于家是可銘也

郭安撫宗之墓碑

何澹

嘉泰四年十月晦故瓊筦安撫郭公卒于泉南市舶之官舍越明年葬于台州僊居縣蓮塘山之原其孤森卿等謁銘于澹辭不可則執筆以誌公公名晞宗字宗之上世有爲永安鎮都監者因家焉鎮後升縣

僊居縣志

卷二十三

文苑

四

名僊居祖有隱德父仲珉爲承務郎致仕公幼穎異與兄從馳聲鄉里受經于陳公庸游從于吳公芾登戊戌進士第授處州松陽簿松陽賦籍不理吏椽爲姦公糾其弊民始樂輸部使者芮公輝循行寡言色獨器重公及知信陽軍信陽多曠土各以力自占公明約示俾各安業縣有紙坊由戶薑園漆林下及薪竈之稅公盡捐之吏曰以備州家不時之需恐自爲患公曰州知其無則不我須我亦可藉口矣滯訟數十悉裁以法縣序廢已久公曰信陽古申伯國遺風獨不可興起耶乃築宮百楹凡學之事備焉安

陸兵將及密啟師樞王公藺言信陽有沿淮山路十
二所宜植木斷塞師亟下其議公指陳利害曰淮水
出桐柏山環縣二百里原淺可渡獨城北山延袤林
翳居民出入實諸路總會之地可守者五其一則皇
甫倘奏捷地也宜倣三關置備內設三關表以五險
則安陸之固且不置信陽于度外師是其議縣頃多
盜先有土豪葉盜過信陽欲詐欺以佚盜曰是嘗匿
汝乎盜然輒榜掠其人得金帛始釋公追捕寘于獄
秩滿判處州悉力殫贄諸司以下榜訴一見盡得情
索昏疾書明而卒歸于恕擢道州守春陵地徧民貧
僂居縣志

卷二十三

文苑

五

公一意摩撫有元次山之風秋苗面斛之入舊制倍
徙公議捐之吏交白不可公曰如吾心愧何民又以
私釀被擾公許家自醞薄其征朞年政平訟理治行
爲湘湖最以微疾乃丐祠除提舉福建市舶司泉守
稱公清如冰玉居無何疾大作乃丐謝事遂拜瓊筦
安撫之命將行病革呼郡吏戒以公事不及私年六
十有九遠近聞之無不悲泣初娶顏氏繼室鄭氏五
子森卿莖卿嘉卿磊卿皆登臚仕女四人進士陳瑛
顧如川謝渠何處禮皆其婿也孫四人存中常爲潛
荐誠中安中自中皆以學行稱曾孫四人公卒之日

澹適假守三山見公貌之不衰書禮往復見公筆力
尚健方爲泉人勉留今生死隔矣嗚呼公乎其去而
仙乎

張正諫墓誌銘

葉夢鼎

都諫文肅張公老成抗節臣也累朝嘉其忠悃眷注
特隆且以俶戚媼聯追檢實歷于其沒也賜謚贈秩
敕中書省遣使祭墓如禮卜嘉熙庚子十月吉窆公
于后嶺之原暨今咸淳戊巳間再飾封塋其子克端
輩以朱學士德剛所爲狀丐銘于夢鼎夢鼎與公同
鄉同志知公最悉曷辭公諱次賢字思齊別號竹坡
僊居縣志

卷二十三

文苑

六

齋出天台亭頭徙僊居板橋再徙市橋唐中議大夫
文伏卽公始徙祖也高大父止信中童科任浙幹官
曾大父起遠隱德大父勇業儒名家稱浩然先生考
禪以公貴累贈朝請大夫妣吳氏贈友人公生穎脫
長益不羣博極諸子百家靡不得其要繁爲文下筆
數千言頃刻立就譬之東注下流浩不可禦然英發
豪邁之氣又能表已自見早領省試入國學登紹熙
癸丑進士第通判臨安府進拜監察御史御史職司
糾劾務以持摯爲能公獨侍講經筵多所啟沃首揭
古今治亂之由國家修短之驗爲書二十卷名御鑑

錄反覆陳說俾示朝堂且曰陛下不熟此將無以自立况爲天下君乎故事臺諫充經幄而近來日講者未免因循公毅然以儒術正君致匕不倦又陳恢復三策動中机室中外傳爲石書嘉泰中仍以右正言兼侍講滿考遷諫院左司諫正色敢言不避權倖力劾時相史彌遠章九上彌遠陰囑同僚止之公曰焉有言官反爲宰輔作說客耶併列其附勢不法狀彌遠啣之多方排擠而公素以忠直爲上知卒亦不羅其害披肝瀝膽知無不言在廷方之爲殿上虎其風采可見迺歷臺院幾二十年禪補朝廷良夥嘉定辛

儒居縣志

卷二十三

文苑

七

未遷殿中侍都御史朝綱倚重將大用之故公力辭不允越五載始得家歸暫令晨暮三月隨促還京使命絡驛無何而疾作遂以左朝請致仕迺戊寅五月一日卒于正寢距其生紹興乙亥二月十六日也享年六十有四朝命惜之贈中奉大夫謚文肅公公生平孝友處家庭各盡其道居官廉居鄉厚跡其操履人無不嘖匕而詭慕者又能以文章節義啟後進卽猶子同甫繼歲元而不屑仕進蓋公有以風之所著詩文及奏贖講章凡十卷行于世配謝氏丞相深甫女于皇太后爲姑封夫人先公卒繼鄭氏侍郎雄飛

女兒封碩人後公卒子男二長卽克翁謝出襲公磨
任直秘閣錄事召對內殿欽賜進士出身次克嘉鄭
出咸淳戊辰特科女一側室朱出適建安法事郎吳
師旦孫男二 鳳紹宗皆足世其家公壙與謝夫人
合賜命凡若干年今復以鄭碩人稱焉大興封塋工
作嗚呼若公可謂死有餘榮久而弗替者惡可無銘
銘曰吳山而東越水攸同歷千百年篤產令公立朝
峻節矢心烈匕凡厥忠貞卓哉殊絕載錫之親帝室
聯姻優寵斯渥匪止及身拱木已久封丘是厚鐫茲
芳銘永垂不朽

僊居縣志

卷二十三

文苑

八

明

應方伯良墓誌

鄒守益

嘉靖己酉冬十二月十二日僊居南洲應公卒于正
寢逾年以倭寇奔軼諸孤木等奉墓于南溪先塋之
右甲寅木等以狀徵于林州守元倫丙辰門人景山
李僉憲一瀚以銘告于守益守益與公登第同公宅
繼母憂益侍先大夫疾其南歸同逾十二年今上紹
統始北上其入史局同益下獄謫公杖關下其得罪
同公叅廣西迂道訪山中握手道生平甚洽嘗約升
天台訪公而遂成隔世矣謹以銘之以洩予哀應

氏徙僊居西山自諱翁之始曾大父文正大父宗曾以農爲業大母陳以節旌聞父慎齋翁昌讀書有孝行任分宜縣典史有惠政鄉賢名宦並崇祀焉公諱良字元忠別號南洲聰睿不羣七歲喪母哀毀如成人就外傳博誦經史雖瘡甚粘于席罔廢業父憐之戒勿讀俟外出誦不輟且能通大意十三入郡庠自勵號舍中清淡不堪每至忠孝節義事輒憤激若身當之及成進士避逆瑾引疾歸比讀中秘書友甘泉陽明二先生既有得折節執弟子禮與四方豪傑倡學論政務見諸實功旣歸從游者日衆率隨才就之

僊居縣志

卷二十三

文苑

九

鄭少谷自閩來訪與應石門黃久菴大雪聚講巾山顧東橋爲郡守作玉輝堂以紀其盛御史朱君節吳君華陳君察交薦之與呂涇野湛甘泉同剡慎齋翁促其行授編修得封父如其官而母許氏孫氏俱太孺人時大禮議起桂見山素厚公欲招爲助謝不往卒隨衆受杖瀕危困始甦奉冊封唐王及妃驢贈無所受中途兩告病不允尋聞父訃徒跣奔歸執禮謹甚服闋陞山東副使督學政時毀像沙汰之例行處之各得其方闡明師教以身爲率士心日悅以積勞成疾上疏乞休撫按暨銓部交留之至有德望老成

樹揭幟幟風厲一方之褒迺二年陞河南參政尋調
廣西以督糧餉察邊務爲職益有謗言矣公論量田
賑荒諸事暨阻劄狼寨立打手營侃然自持至今惠
流于民而權勢朋謀嫉之故雖陟廣東竟以罷軟歸
辭給事中宗鑑上疏稱寃極論黨同伐異之蠹格于
例不報公處之夷然立祠宇輯家譜以孝弟爲子姓
先朔望宴享朝夕成一家規尤不忘民瘼遇旱躬歷
岩嶮祈禱多應歲凶力言郡邑奏荒賑恤鄉人賴之
而無或干以私待宗族有恩以進士坊價買田三十
畝分佃族之貧者而不收其稅公美鬚髯善談吐慷
儻居縣志

卷二十三

文苑

十

嶽超物表別時之忠佞若涇渭與人交傾竭肺腑竟
日忘去聞一善必揚之後或負所聞不爲悔閒居小
樓披閱古今或瞑目靜坐夜半或披衣索燭劇飲浩
歌人以爲異而自得適如也年逾七十矣猶負山谿
拜誠意伯祠下爲贊以表夙志董郡守廉其食貧欲
厚賙之飄然拒謝而歸其自奉簞衣糲食終其身不
變所著述梓行有孝經正誤顏氏家訓海道經聞善
錄闡微錄旌忠錄訂正尊齋遺書遜志齋集西山應
氏家乘其詩文若干卷藏于家配張氏東郭翁琦之
友察于諸生而歸之子男四本太學生先公歿次本

材穀皆邑庠生克嗣公之志女三適太學生黃承道
邑庠生朱崔顧義根孫男七煒炆燮燾默焯焯炆邑
庠生女一尙幼景山蒞吾邑守已愛民不愧師友茲
復篤于存沒惻也圖永懿行則公之敦學其有徵云

吳叅議廉墓表

吳遵

所貴士君子之顯于時也學有本原言必識大體重
風節畧權勢平居能銷禍本以安社稷進退較然一
軌于道不辨阿隨世以就功名見幾而作若牛田吳
公其庶幾哉吳公諱廉字介夫浙之僊居人其先世
隱于農曾大父立遠好義活人稱長者大父文魁以

僊居縣志

卷二十三

文苑

士

齒德賓于鄉父默齋公諱珪能行孝修其先人之業
其所淵源遠矣始發于公爲貴顯公生而穎特七歲
善大書見者驚異稍長以文學先諸生領正德丁卯
浙江鄉薦卒業南雍交友四方名達學益蒸也深造
矣甲戌進士登朝以憂去免服授禮科給事中公爲
給事敢言也必持國家大體時郭武定張壽寧以勲
戚當上意貴幸無比公首論二家驕蹇失儀翁也負
時譽詔巡視十二團營團營將卒多根抵權貴人悍
近非法公至風采凜然知憚矣適武廟巡行西北邊
公偕同官泣留跪午門外三日諫曰陛下多狎游竊

害大計卽夏太康本朝土木爲監不遠宐速返駕以
安人心奠宗社時宮保大中丞王陳怙權爭進公論
宐並斥而薦堪其代者林公俊王公守仁光祿馮卿
抗語讐言官公又疏人臣不當肆言詆讟以傷國體
正德末儲貳未建人懷異謀公旦夕憂心怛然會逆
奄畢鎮守江西表宸濠孝行于朝冀名入太廟司香
陰爲內應駁曰詔書會典例不得表海親藩豈宐黨
翼阿私助王弗靖據禮封還事遂寢未幾濠果以叛
誅駕旋返公又請郊天策士以追帝王盛節請罷江
西鎮守中外稱便轉戶科右給事中今上嗣統首條

僊居縣志

卷二十三

文苑

十三

四事曰正君心開言路時經筵近儒臣奏上嘉納中
官賴某蕭某者嬖倖臣也公請亟除奸惡疏不報蓋
自是公直聲動朝廷而在事者多指目怒公矣已而
公覈餉湘貴間二御史皆弗往公獨行釐正宿弊多
所建白轉禮科左給事中于是忌公者愈益不能安
公矣出公爲四川左叅議公按蜀南碁罽害興利糾
重臣之使蜀殃民者民賴以蘓其爲政主于恤民隱
察吏治正紀綱明教化顧性獨耿介不能逐時好爲
頌仰三疏乞歸雖當路合辭留之竟不可奪公歸築
舍城北鵬讀書詠歌灌蕪松菊意陶心樂也公孝友

性成父疾不解帶奔母喪徒跣號泣以祿弗逮養持
恨終其身平居自奉碗糲雖已貴不移其初遇弟昆
姻故有窮乏者賙之唯恐弗逮同官戴司諫死于言
公手殮之贖賻買田以恤其孤許游擊以事餽千金
公正色斥去忠臣盧公迥鄭公恕幾沒已公請建
雙忠祠以勵頹俗此其敦倫尚行矯已風節未嘗以
窮達勢利生死二其心也倭夷寇浙東僊居大被焚
掠獨曰吳家清官不可動相戒以過公門卒無敢犯
公者豈非忠信內積不外假銜飾欺人者哉蓋公自
垂髻耻外驚屏居默坐學多自得故其言粹白簡明
僊居縣志

卷二十三

文苑

三

一本于性情忠愛使當時能安其身于朝廷之上言
聽志行得以悟君心斥邪惡其功業詎安止是况武
廟時國本尙疑人情洵已使勲戚橫奄豎入羣奸陰
拱于內強藩稱亂圖危社稷天下事未可知也公潛
折奸萌一言重于九鼎彼有佞首脂韋毛舉以塞責
視公不重有泚哉且其進必行道退必求志超然明
哲之歸避遠機穽不至于名辱身危以死所謂介不
終日者非耶制詞稱公建明國是糾正官非大司馬
胡公叙其遺書亦曰黃髮清風鴻羽儀吉樂爲銘墓
而亟稱焉公亦足以瞑已乃其嗣學博子龍復徵子

言以表墓前之石子始志其大者耳厥配滕氏封孺人令德偕老合壙如右他日式公之墓低徊而不去者其尙于公有興起哉

李都憲一瀚墓表

隆慶元年三月初六日都察院左御史李公卒于會城之總府嗣子維林以公之喪歸吳時來往哭之失聲歸食不咽寢不帖也嗚呼若李公古所稱俊顧非耶公禊身簡潔而又以行引人乃逝耶今維林匍匐京師以狀聞故事在京從三品以上得祭壆其歷任淺乏行義希勞績者勿給公歷京兆方逾月陞都憲

僊居縣志

卷二十三

文苑

古

未履任乃蒙諭祭一壇命有司治壆蓋朝廷公重行義亦異數云既維林乞日以孤之不肖幸邀惠于天子然而墓上之石則受命于先人其以屬之吳子知先人與知于先人宐莫如子願惠一言吳時來曰人亦有言蓋棺事定余所知也者幸考厥終于今先公可言完節矣顧知之也者未卜其果無辱令先公否因從而表公之行夫亦自礪也公諱一瀚字源甫號景山世爲僊居之十八都人曾祖良平祖震父鑿皆隱德不耀父以公貴贈雲南道監察御史公自幼端靜簡默不喜嬉戲與叔兄教諭公一潮年相及同學

教諭公穎悟特達幼卽有異操公資稟稍讓不逮其
父與鄉之長者莫不奇教諭公而意亦若不在公編
修應公良獨以詣遠奇公爲其第二女擇婿一以妻
公一以妻林公應麒旣公與林皆先後登第人莫不
服應之識鑒云公中嘉靖戊子浙江鄉試戊戌登進
士第初選江西安福知縣公蒞之以廉而濟之以靜
與民溫_匕若家人父子而凜不可犯御史沈某者以
迎侯弗備怒之公弗_州及百計羅之弗能得然後稱
之公弗喜沈嘆曰李知縣可謂寵辱勿驚矣當攢造
安福貧民鬻產勢家不肯照丈推收公下令刻_其一
僊居縣志

卷二十三

文苑

五

一照丈豪右莫敢拒士夫優免另造一冊已免者勿
再冒濫弊除東郭鄒公嘆曰審編一事推之治天下
不難矣丁母憂服闕補江西道監察御史時北虜突
入都城議者欲築外城命公度址公以築外城勞費
勿支壞民家室坟墓無筭且天子守在四夷城郭之
策正示之弱非計抗疏止之巡按山西風裁自持一
以除弊政問民瘼爲已事其廉察下吏不採旁言民
之所喜卽荐民之所惡卽劾沿邊諸郡民食土產小
鹽甚便巡鹽御史請俱食池鹽公以邊郡崇山峻嶺
鹽至彼五倍其價民困甚矣上疏力辨得寢邊都人

至今德之公爲御史大都法之所在雖權要不避以此當事憚之時阿諂成風相見俱行四拜四叩頭禮公厭之謁當道止行兩拜當道銜之復命止陞江西按察司僉事衆以公資望深不室外補公怡然安之及蒞任持法廉平民間有湖取菱芡蓮魚之利宗藩盡奪之公至判還民間南昌先有劉某者浚河數百丈可灌兩河田民利之爲立祠有勢家熊者奪其河爲田并毀其祠公大抑之通河水灌溉如舊地方多盜宵征夜遁公立法捕之盜遂息嚴相家雖在袁產業盡在南昌家人扈勢恣逞公悉裁之嚴相勢旣盛僭居縣志

卷二十三

文苑

六

又甚傾險立能生死人士夫以目或認爲乾兒或與其家僮結爲兄弟凡官江右鮮不免者其迂轉特速公獨與林僉事一新以耿槩自持皆五六年弗遷賫表至京師嚴曰李資深矣公曰猶有深瀚者同見者讓公故外耶公曰吾道其實耳凡見皆有餽多至數百公獨不久之陞山東布政司叅議旱甚蝗發公親率民捕之數日蝗絕水發淹沒居房無慮數千家公乘小船躬往支分驗其輕重賑恤山東士夫不輸租縣令往亡累縣里均賠梁編修紹儒爲最紹儒嚴相乾子也公查追急紹儒求解于嚴相嚴相曰李叅議

豈可與言哉紹儒知勢不可亦輸其半以督兌赴京
凡督兌在京餽遺盡取糧長悉傾產以充公盡革之
陞井陘兵備一意爲地方除盜賊固塞垣爲務適軍
士倍取月糧爭鬪而煩言遂興議調各省公亦飄然
東歸弗自白其所以居家三年以衆望起補四川副
使尋陞陝西叅政尋陞按察使王蔚與民訟田公斷
還之民王城外渠民資灌漑王府築而有之一斷以
法而王不敢動居一年陞山東右布政尋陞應天府
尹踰月陞都察院左副都御史行至儀真疾作連疏
乞休回至武陵遂不起吁嗟公沉抑仕途凡二十年

僑居縣志

卷二十三

七

晚值先帝更化振拔滯滯方駸也向用又幸今天子
履極顯遂忠良注意大用公而公又不得盡行其志
人聊天耶公平生平易簡然與之處恂也若無所能
者至于是非利害之交屹不可動歸官無隱忌峭刻
之文但不比于法無一毫依違監臨山西再多得士
士亦以得出公門爲喜公歸蔬素之食補綴之衣惟
乘一馬出入有寒士所不堪者而公處之自若節推
蕭文清署邑事會倭奴焚劫後百計漁獵已陞嚴州
同知而其虐益肆公故持盤格至東嶺餞之蕭次日
行一邑稱慶自入仕未嘗以書干政府卽郡邑亦經

年不造也必有關於郡邑利害也故聞公之卒雖山林老樗亦莫不感也悲者公生弘治乙丑八月二十日享年六十有三配應氏繼張氏皆先卒男三長維條先卒無嗣次維林次維禾俱縣學生皆能守公之教而繼其志今將卜墓于東村之原公之墓誌銘碑業已有某者爲之矣來獨述其所知如此倘公之意在余其大書有明都察院左都御史景山李公之墓行狀

明

大司寇容菴應公行狀

陳函輝

僊居縣志

卷二十三

墓誌行狀

六

應氏其先寧海梅林鄉人宋元祐間徙居僊居縣夏閣鄉自宋至國朝世有令人爲大諫縣令等官別有傳至其祖巨生匡以學行著名庠序歲貢至京未受官而卒匡生司寇公諱大猷長兄諱大經官學博次諱大桂登嘉靖丙戌進士任知府公字邦陞別號容菴少時與羣兒游每端坐寡言不妄嬉戲與諸兄弟處怡然無所乖忤事長兄尤謹有君實事伯康風母王氏係鎮江刺史王公諱存忠之女鎮江公子若孫若外孫十餘輩獨眷愛公期以國器任鎮江時獨携公往公時年十四鎮江公朝夕自訓誨至十八歲

歸家補弟子員二十一歲舉正德丁卯鄉薦與同年王激許相卿同赴國子監講周程張朱之學二十八歲舉正德甲戌進士未授官丁父艱徒跣扶柩歸哀毀三年動遵古禮服闋除刑部廣東司主事因欲迎養母告願改南補南京刑部湖廣司主事時值宸濠謀逆聲言經趨留都人心震動南京大司馬喬白岩公諱宇者會九卿議曰今變故重大呼吸關社稷且事起卒然機在斯須不及題請若循臆局則責在本兵何辭但南方承平日久本兵官屬皆循資叙授非慎選練達以膺大難者今欲投艱批患須于留都各

僊居縣志

卷二十三

墓誌
行狀

九

衙門內無拘臆掌其推一人當之方保必濟于是九卿臺諫推公赴兵部計事喬公一切戰守事宜俱付之公于是議嚴斥堠多訥諫以防奸細揀軍實折先聲以安人心急遣精兵守皖城以拒敵衝使不得進于是宸濠兵至皖城而挫竟就擒及敘功先公居兵部屬官右欽賞銀一十五兩值康陵南巡人莫敢諫公率同志者王登田登王世文祝品張毅等抗章叩行宮力諍康陵震怒幾致不測賴輔臣梁文康公委曲救解得免于難聖心漸悟不久回鑾矣隨因太夫人思家公欲扶侍以行乃謁告回籍續補刑部山

東司主事居無何喬公轉太宰每宣言于朝曰人才可濟艱難者無如應某于是調兵部職方司主事值文選司缺主事喬公欲以公補之司除者進曰凡入銓曹必先勲部漸移至選部序也若選入選部則先入者有積薪之嘆喬公曰此異才也安用隨牒逕調文選司主事時大禮議起公率同志者數人伏闕號泣力爭忤旨庭杖六十幾絕復甦比釋歷陞稽勲驗封考功文選各員外稽勲郎中居銓司數任謝苞苴持法紀人不敢干以私然孤立行一意不肯詭隨當路有忌之者遂陞廣東叅政撫勦民裔恩威大著調僊居縣志

卷二十三

墓誌
行狀

辛

江西叅政考滿赴京至中途以太夫人衰年思欲終養乃以疾乞休銓部議留再乞得致仕比至家杜門謝事自侍養定省之外留心著述凡十二年兩京臺諫及觀風使者交章保薦起補江西叅政時有大猾侵官帑數萬依憑社鼠攤報平人賣產完官直指使者主其事被累數百家公以為利歸大猾害貽平人力為申理與直指議格即拂衣歸眾察家皆直公所執相率勸留直指素負氣者亦自悟其非且知公性不可撓以非遂寢攤報之事公方仍就任豫章有輔臣初歸聖眷尚隆輔臣私第中門常扃雖臺使方面

謁見亦由側門入公行部至其地往訪輔臣見中門不開却立不前曰此非政府乃私第也我豈以行中書省而由人私第側門耶令左右開中門以入由是輔臣深啣之陞雲南右轄轉廣東左轄滇粵地俱產明珠文犀象齒寶石黃白等珍玩而藩帑尤貨財所聚公毫不染指行李自圖書之外無長物也往時藩司每遇聖壽元旦等節各官既集朝服侍立龍亭前候直指將到方伯率衆官出門迎入公曰今日直指來爲慶賀非私交也况衣朝服不宐敘賓主禮衆已頷之忽報直指至衆復徬徨無措竟出迎獨公與陸

僊居縣志

卷二十三

墓誌
行狀

三

舉之先生侍立龍亭前屹然不動慶賀畢方與直指相見陞僉都御史巡撫雲南勲臣世鎮滇南凡撫臣每先受其餌紀法不行恣其驕暴公至嚴持風紀絕其私交一切事必以禮法束之羣僚有犯必置之法罔貸由是勲臣踏匕不敢肆者數年陞副都御史巡撫四川值都蠻勿靖公勒兵出其不意直搗巢穴擒斬千餘級都蠻自是震讐不復跳梁公前在雲南得代時值大計後公于屬官不職者已疏十餘人罷斥及是復命例有舉劾公曰我上劾章適逾月耳若今尙有可劾是前旣厯也若無可劾而借無罪者以定

事例我不爲于是舉賢能者數人無所料劾言官以是詆公銓部覆留用而前豫章輔臣適起持柄竟擬開住而考功郎中議留者亦外斥未幾輔臣以事敗公復以前都繼功起補副都御史巡撫山東時嘉靖二十九年庚戌北虜犯京師甚急公議欲集兵勤王或云兵行勝負難期今寧奉有羽檄徵兵耶不若按兵以待勿行無咎公曰君父有難尚可觀望遂揀步騎三萬人援京師時各路兵集者十餘萬獨山東稱驍勁一遇取挫遂夜遁陞吏部右侍郎先是吏部侍郎但擁虛銜諸所黜陟先事不聞臨事不議公曰我僂居縣志

卷二十三

墓誌
行狀

三

以佐銓爲職而事不關白吾職安在且進退人才將使天下共知而與衆用舍之今僚友不與議其何以示天下公也于是銓曹事無大小心與冢宰協議苟未當辭冢宰力王之弗徇雖政府風旨弗徇由是與冢宰大忤政府每遇大拜免雖勉如公議然其中勿愉也陞刑部尙書嘉靖時詔獄頗繁讞獄者每以刻深自保公一主平恕曰吾但知守三尺法耳不知其他是時分宐用事攘斥異己有戶部郎中孫繪素以清慎名爲中貴所構送法司鞠問公力爲申救分宐嫉言官以是詆公得閒住旣歸家盡散其履官餘俸

給宗族親戚耻言求田問舍事見人貧困每傾囊周恤雖家無擔石不憂也人有善行及美才必汲引誘成就如已有然惟恐其行之弗竟才之弗成也嘗謂孔孟相傳不在于書心體力行動遵聖賢成矩與郡人趙淵諸公相與講學不倦以名節相砥礪尤潛心易學老而益勤延致文學通易理者三四人朝夕與俱坐臥觀象玩辭久而洞徹義文闡奧著易說存疑行于世每喜吟咏然不爲纖麗語推敲必準盛唐靜重鮮交接有司欲見其一而不可得至于地方有大利害大曲直衆所諱言者公必言之侃口無所隱

僊居縣志

卷二十三

墓誌
行狀

三

狗然賦性剛直面折不能容人之過故于俗子亦鮮借云隆慶元年萬曆二年有司上其行誼俱特旨存問萬曆七年又遣行人方萬山到家存問公生于成化丁未六月初八日子時卒于萬曆辛巳九月初六日子時享年九十五歲卒時有司以聞天子命官致祭遣中書趙景柱督造塋墓公男八長存初由舉人任湖廣麻城黃安知縣以廉能擢刑部主事次存性由進士任知府存修存畏俱生員存卓由進士任太常卿存素由明經任訓導以子封山西道御史存徵一員以詩賦草書著名存章生員孫世功光祿寺丞

汝化進士歷仕至按察使朝卿進士官至侍御史

張禹門公行狀

孫震

公諱堂賞字崇懋禹門其別號也其先天台之亭頭人後唐大中大夫德昭公文伏始徙僊居邑西至趙宋子姓遂大繁衍正諫文肅公次賢一門祖孫父子昆弟叔侄相繼登第金貂聯蟬蔚然稱安州之望族洎我國朝人文尤盛如尙書郎亭玉公璉長史伯厚公鏗中書世昌公宗福行人世賢公宗顏少方伯圭山公儉立朝偉節照耀簡策他如治中縣尹以循良著績者蓋指不勝屈也公乃涇橋公之第四子涇橋

僊居縣志

卷二十三

墓誌
行狀

七

公諱奇爲當代巨儒天下無不知有涇橋先生其人者居養不仕善籌兵倭奴入寇郡伯譚公綸用其謀以取勝後譚公經畧三邊防禦得法亦涇橋公借箸方居多大父閱耕公糠仕授宣議郎除虞部主事曾大父北野公成德仕至饒州別駕所歷有聲公爲世家子嗜好如貧士干聲色勢炎淡如也性穎絕十歲讀經史各書悉遍十三乃翁携謁陽明子于姚江陽明子深器之曰是兒多慧道骨夙成弱冠邑大夫敦請與吳左都瘖齋公纂修縣志筆削精核綱舉目張不詭于正瘖齋公嘗自嘆不及也又與郡賊李公邦

燧著忠烈傳若干卷宗譜一畝失殫心繕輯之綜該簡
瞻昭穆世系燦若指掌華而不浮大而非夸無祖狄
梁之訛天下言譜學者必曰禹門張公焉爲人疎也
落也 以氣節高天下每雨夜挑燈讀史至荆聶諸傳
輒號泣驚呼宿鳥策也起雲亦爲之停每作詩文若
怒鵬驚濤駁雲駭電讀者日皆性至孝篤友于步趨
皆有古法不尺寸移居鄉黨恂也至大義所在則堯
怒厲聲雖孟賁莫能奪喜亦游聲氣所授千里命駕
然非名流不與之俱無義士夫以軒冕榮者公皆隸
畜之人或以急難告傾貲與之捐身命赴之不顧也

僊居縣志

卷二十三

墓誌
行狀

五

嘗之楚登岳陽樓作洞庭夜月賦一時競相謔誦楚
府聞而說之大張供具延公爲上座飲酒交錯歡若
平生比告歸王贈以文綺金目等物甚厚悉峻辭勿
受公又樂以道誘掖後進孳也勿之倦四方聞公名
爭負笈從以不出其門爲耻通 府尹遇齋贈詩有時
當化雨施無吝筆掃波濤興轉 濃之句蓋實錄也晚
年築別業于城之西北隅顏曰 叢斐軒貯古圖書詩
一函其中四圍翼以修竹數千竿 雜置名花怪石焚香
靜坐經營千秋之業求田問舍 翁過之不與一言所
著有英雄槩讀史闕評竹窻雜 祖禹門文集行世大

抵公之行已在隱現之間皆較然不欺其志如水中芙蓉灼然泥而不滓者也爲文以理主以氣輔體格駿馳秦漢間非近代所可及少試咸拔幟屢見別于棘闈終身不遇亦不之憾酷嗜佳山水足跡幾遍海內奇觀惟不果登廣武觀古戰場爲恨遙作詩吊之其氣勃如項羽破邯鄲時公生于嘉靖某年某月某日以萬曆某年某月某日考終娶夫人林氏評事臯之裔孫女知書稱克相生丈夫子二鍾斗鍾參能世其學皆以文顯人比之蘓魯山父子云

吳忠恪公行狀

林一煥

僊居縣志

卷三十三

墓誌
行狀

美

僊居古稱安州也以西三十里許名厚仁吳延陵季子之裔諱全智者爲唐祭酒徙居焉以忠孝名家子孫繁衍族聚萬餘人宋時公卿將相多出其門科第甲于兩浙于今猶盛若左都御史贈太子少保謚忠恪悟齋公更所稱曼焉莫與爲京者也太夫人產公時最難甫三週太夫人竟以圻副故亡公初號寤齋蓋思太夫人產公之難而取莊公寤生之意也太封君率菴公以彥士文行名痛切太夫人誓不再娶公以此撫摩不周乳哺不足多瘠疾而得腹塊常能起伏爲公啁唧也公七歲手執秀發穎悟過人經目輒

成誦太封君置諸膝上教以對句對不二三卽能對格句族有駭公者見屏山野火呼公試之半塊火能燒千仞山公矢口對云一粒穀可種萬畝田族大奇之十歲能文每作未及終篇太封君卽袖而示人曰此吾兒之文續王唐矣衆皆奇公不無哂太封君之過褒也甫長赴縣試縣令况公一經得公卷擊節不容口首拔公仍携公卷與臨海劉公子興較首薦孰優劉公一覽稱神童不置二公相與而薦于郡守梧岡陳公堯與六邑合試公卷更奇絕梧岡公置諸六邑之首督學文谷孔公天胤常空羣士獨于公卷嘖

倦居縣志

卷二十三

墓誌
行狀

七

嘖稱此非人文第一流耶首公褒賞倍于人梧岡公愛公如子招而親督課之公寄館于臨海操江際公家詢操江事甚悉友人嘲公少秀才究心操江事何迂乎公曰范老亦秀才耳操江行將爲吾事汝何尤也公業春秋聞雲谷陶公大順以春秋起家負笈往師之靜坐一室不出聲几上惟胡傳二卷陶公進視之怪無經意公云胡傳卽經意陶公悟知自家言皆糟粕也大器重公而公又無一資糧陶太夫人重公以子撫之迄今有通家之誼云時己酉科年別歸督學雷公愛而首公猶孔公也是科與叔見平公炳庶

同舉于鄉公報獨遺太封君默也坐于庭忽庭前有
氣直冲于天其聲若雷其色若絢眾聚觀之慰太封
君者美公留作狀頭之兆諷太封君者直謂率菴公
怒氣耳頃報至方知公秉天地正氣卽于此時已充
塞矣公時年二十餘尙未聘世家爭妻公也從容却
曰吾多病賴幕峯公調養至今且吾父老友也雖貧
願聘之卽書諸齒錄眾皆愕然今封夫人尹氏卽幕
峯公女也公備嘗險阻得夫人內助最多庚戌榜公
以疾發不第歸什蕎卽登景星絕頂二年足不下山
太封君携薪水探公也出新作一部太封君喜甚入

僊居縣志

卷二十三

墓誌
行狀

五

視作文處四壁皆血痕太封君詰公也曰作文時痰
吐耳太封君大聲泣吾兒嘔出心肝矣卽要公歸亦
當公計偕時也進謁縣令馬君濼馬君見平公同年
也怪公投帖無年家意執公引計難公必能輸禮之
也公毅然不待引携一老僕行馬君怒益甚索公叔
父甚急當有解者以方今強附年諛借資取寵公獨
不然未必非狄樞密意乎馬君竟坐公叔父罪公聞
亦不顧舟至長蘆適梧岡公嘗蘆公潛舟而過追贈
公十金離蘆未幾并舟而沒舟人急救得起公色不
少變乃笑曰多此十金故沒舟耳亦不復元陳公抵

京與同年陳君綰楊君旦會文寺中忽有報者今日
椒山楊公就刑矣公擲筆于地忠臣爲戮吾輩何文
遂作本草直欲碎首階下爲楊公援復有報者楊公
刑已畢矣公涕泣失聲衆亦泣謂吾不見楊公刑見
公哀泣不能不動情也公勉強初場不欲復入吾台
有達尊勸公天下事尙可爲公悟乃終場本房松坡
舉公閱批公卷不看二三場幾失一名士矣衆益信
公初場眞爲楊公事迫切于衷其無意于文非矯也
徹闈公止一老僕又亡常自起火出則覓驢而行歸
則終夜讀史不輟人以爲難什褐就松江司理單車

僊居縣志

卷二十三

墓誌
行狀

无

之任過某驛偶值星變題壁間云驛吏來言星可射
我欲彎弧先射狼驛吏回言星可摘欲摘慧星清紫
薇意益有所指也及蒞任務三復脫罪多所平反一
切鉤鉅弗事也前邑人馬君父以重犯事過謁公乞
曲爲處分馬君聞而大慙時當倭奴寇松甚急公奉
按臺檄監軍攝城守城外士女多奔命入城有議鍵
關止之公獨曰城外非吾民乎開關悉入與之居處
濟之藥餌存活數萬人松人至今祀之寇猝至攻城
西南隅驟雨城壞當事與守城者皆股慄公戒以死
守齊以健弩當其衝詰朝公馳一騎出衆張膽隨之

城立完寇知有人少却公度賊必遁走攜李密檄吳江令決泐水出平望賊過阻水不得進隨以伏兵急擊之賊大敗斬首數千級餘皆溺水死故有王江涇沈家庄大捷皆公區畫所定也總臣張公移鎮境上親兵若干人延街奪掠強入民房公與郡守方公適過之人皆扳轅望救郡守不聞而去公厲言曰兵以衛民而反擾民焉用是兵擒之衆以公言擒兵二十餘公數其罪鞭之各數十兵以公狀白張公張公怒立庭牌提公匕見郡守匕以公能杖亦能見之復見直指君亦責公不更事如郡守言公退而閉館匕外

僊居縣志

卷二十三

墓誌
行狀

三

皆親兵蜂擁也公無畏卽具奏其事適張公以他事奉旨就擒矣郡守與直指君皆自媿不如也前張公在吳門犒諸路兵無策兵大鼓噪及至松撫臣周公屬公調停公不辭是時親兵之憾未什客兵之悍方張又兵動數萬餘無不爲公慮公恬不介意度兵歸路就于曠野中查各部伍以裹糧懸諸竿上井匕然布插道傍公惟執簿點名而已頃刻閒犒兵數萬餘撫按二公皆歎服以此勞兵卽孫吳不過也總督趙君文華聞公賢首薦公匕往謝叅拜聞仰視趙君端坐不爲禮公不終拜而起趙君怒追轉薦章去公名

而首某也其某也以其首薦即除臺垣有謂公能忍一時可終身富貴公云富貴可如此圖耶未幾趙君以事敗被薦者皆貶黜公獨絜然當道以此益重公大名拜刑科給事中時當沈公青霞諸子尚囚獄中相繼而亡僅留一子名襄逆蕃欲殲之公聞而瞿然曰今日之青霞即昔日之椒山青霞不及矣及其子吾願也即以邊事劾督撫楊公順御史路公楷暨兵尚許公論以楊路二臣皆當年造害沈公者世宗閱公疏即下二人獄二人皆柄臣羽翼也公剪其翼逆蕃必欲置之死地適琉球有差欲以此陷公也謂男

僊居縣志

卷二十三

墓誌
行狀

三

兇死當葬魚腹中此何足辭第權奸不除何以報劾朝廷即上疏數蕃諸所不法狀世宗為之動容留中三日不行蕃懼罄將金寶投諸井中公尚會欽刑郎家也與蕃隣客聞劾出自公驚怖一庭遂空公謂眾無懼從容就飯易以布袍待罪去矣竟為柄臣以飛語激怒世宗發錦衣訊所主使公始對以祖宗立言官為國除奸此是主使錦衣怒再訊公復以孔子教人臣事君盡忠此是主使錦衣益怒盡取獄具徧訊之公又以天生人而植之忠義之性此是主使公方年二十七一日訊拷三百環立皆逆蕃人七孔流血

手足兩股無完膚矣同杖者雀樓張公狎幼海董公傳策皆以公血塗其■見者酸鼻且無一親知惟鳳阿姜公饋以茶酒公得茶方甦次日再欲訊公世宗舉筆間地震筆墜呼公何人是能動地耶卽遣戍公得戍橫州行間蕭々一累囚耳姜公贈以路金撫公子而泣姜公亦以此外遷矣公抵橫澹然無怨尤意惟博極羣書更究心易傳識消息盈虛與義所著有橫槎集公族忽有報公不諱者太封君與公之外父涕泗而行至橫公無恙悅甚以跋涉過勞相繼卒于橫公扶太封君外父柩歸附太封君子祖墓之側族

倦居縣志

卷二十三

墓誌
行狀

三

有力者阻之葬思敬山少息有揮使從橫來訛言拿公者族多逃公詰來使乃知直指黃君泮促公著伍公歎之可無驚吾族也卽起行至豐城風雨陡發舟楫顛危公起視之大桅徑折連公投諸水中飄流百餘里有漁人夢某處水口一網可得大鯉魚急行無緩覺奔夢所浪勢滾々若有大鯉魚狀一網得公漁人驚失網公復沉水而去漁人思昨夢得非天意乎復飛舟救之起公胸微有氣漁人以釜于公臍上求去水公方甦隨告以夢故得聞其詳漁人代爲覓一小航公再拜漁人而去至今公家不食鯉魚蓋爲此

墜水時揮使謂公必死而公已先著伍矣使以公事
白直指直指猶以失于散行責發之也公轉橫益無
意人間事日與陸生談玄橫士以文就公也藹然詳
與究正士無遠近爭師事之今有吳公書館其見思
不啻甘棠已也公成橫已十年我穆宗皇帝登極奉
遺詔徵直臣首詔公授原職抵灣張相令門客某密
迎公告以援引事公不然及入謁竟以言相矛盾別
去張相復具書云我欲親炙賢者何賢者難于親炙
若是即風波自是日起矣且公敷陳時政指斥權奸
如保太九劄安邊諸疏不投張相意適以兵務重任

僊居縣志

卷二十三

墓誌
行狀

三

議推大家宰不協張乘其隙即轉公府丞蓋不欲復
有所建白也時當聖天子謁陵百執事皆供應自府
丞公奏裁革悉自齋暴內監錢糧例有羨餘進春應
有分例銀兩公皆革之羣不悅春日公朝賀竣事間
忽中貴人大呼公名蓋欲公上而廷辱之也張相促
公上公毅然曰春事完矣朝班解矣此非天子命如
何而上命治中上中貴人以不是公叱而下之公直
出張相與諸卿皆失色舉手曰當樓應變竝立風裁
無如公者隨又乘中貴人意轉公掾江會都御史時
南陵貴人李芳怙恃橫行公下車劾去之風紀肅然

南俗尙奢侈公食不重味衣不用錦出入單騎如北
餘莫敢有乘輿者操江原多家兵公裁革自己始江
防水陸二兵陸兵抗悍難馭公悉去之年可省銀數
萬餘淮陽等處應解給軍銀兩解戶冒險誨盜甚者
亡身破家又不無展轉扣除公議隨各防守支給申
報當年民無轉輸之危兵無冗濫之費官無扣除之
嫌人皆謂操江弊革已盡不知公自做秀才時得諸
故問而籌之熟也公在院二年適黃君泮知池州府
事有弟黃池者在監受人金絲菓盒代投關節事露
告院衆皆擬公必洩橫州之忿公詢知其爲黃君弟
且不欲累黃君竟以直待之黃君大慚謝馬君濂適
任刑郎以物議當察慮不免于公而公亦不爲較得
轉外守馬君且感且媿衆莫不嘆服公有雅量如此
公于院中每夜註易至三鼓有勸公就睡者公曰人
孰無外慕心讀易倦時一枕無夢矣且成橫時不了
事也所註有易義識者謂易義一部真大學術也時
高相在閒令游士樗枏持書說公求代爲揄揚不得
高卿之未幾起相密訪公事無聞轉廣東僉都御史
隨降憲副以違限閒住公歸蕭然居無完屋止督耕
田數十畝葛巾布衣恂七一書生耳僊居山以外

卽界縉雲自遭倭變兼以賦役繁苛民多逃匿地田
半易山外民終逋負公戚也焉適年當編審公認自
當里甲者三餘官戶皆照田三百當里一名田去戶
存輩悉開除之山外業戶錢糧難于徵催多累賣主
僧田雜編民戶民更受累公建議山外業戶與僧田
另豎一畝縣里七十公以逃亡并去其十賦無重差
戶有定籍民皆引領而歸矣編審者臨海令周公思
稷而悉出公所定議僊民生祠周公而因思公之德
不衰族不能葬者贈之山戚不舉火者助之粟及其
自處又甚淡薄無一稱意恬居林下又一十八年當

僊居縣志

卷二十三

墓誌
行狀

五

道交章薦公張相冀得公通問書始起公有督撫山
東者與公年諡知厚遣使達輔臣意公對使者云以
書得官何如當年以媼固寵乎竟不與書彼知公不
可奪而謂此老倔強猶昔也萬曆十四年今上鑒公
忠誠有素詔起原職除通政使時值天壽山議國是
靡定衆心危疑公從中處之休也然有古大臣風尋
轉大理卿復轉刑吏二部侍郎乃拜御史太中丞在
院三年奏督監司以責守令革侈僭以維頽風停金
珠以昭德儉明律例以定法程革冗役以節民財裁
律進以裕國計陳利病以彌隱憂載在憲章剝稿中

甚悉三載考成重荷聖恩褒封三世加賜羊酒花幣
眷寵優渥公焚香浴身詣闕叩謝感激過情不無內
傷遂得寒疾不起矣嗚呼哀哉公之不起其鞠躬盡
瘁而後已乎其亦有先見乎煥去春入覲告歸領公
教最詳有云國恩難報告老未得儻不生還願以弱
子幼孫相託身後行狀并屬之口頌椒山公二言生
平未報恩留與忠魂補感慨泣數行下煥亦泣而別
續病倦復書寄弱體不支思歸如駛意在天姥山中
所苦不可得已矣乎已矣乎前言願弗忘也未幾竟
以哀計煥涕淚橫流腑臟割裂適承今大中丞公梅

僊居縣志

卷二十三

墓誌
行狀

美

整先生大人兩促煥爲公狀公之靈得無意乎嗚呼
哀哉公事至大煥何能爲公狀也大都上天篤生我
公表七名世功業名位靡不共知而歷履艱辛或有
遺知耿介忠直靡不共知而寬容宏受或有遺知正
大光明靡不共知而纖悉曲盡或有遺知煥三十年
屬公宇下真如家人父子然其平常親領公教與公
之所爲行藏者備知之故不得不慟泣爲公狀求爲
誌公以傳之于百世不朽也公諱時來字惟修生于
嘉靖丁亥七年四月二十八日辰時登嘉靖癸丑進
士卒于萬曆十八年五月初十日戌時出左都御史

贈太子少保謚忠恪加榮贄父炳臺皆贈加如公爵
祖母王氏母王氏皆贈夫人配尹氏封夫人男錫岱
以恩歷刑部郎中孫兆昆襲廕爲國子生